

dicatur Quod si haberi foris potest , cur etiam dari non potest ? II. Episcopi , & Præsbyteri in hæresim lapsi characterem non amittunt , nec potestatem Sacramenta conficiendi ; ergo fides Ministri non est necessaria ad valide conficiendum Sacramenta . Sicut ergo , prosequitur Augustinus cit. loco n. 2. *acceptatur Baptismus , quem non potuit amittere qui ab unitate discesserat , sic acceptandus est Baptismus , quem dedit ille , qui Sacramentum dandi , cum discederet , non amiserat potestatem* . III. Apud hæreticos , & apud Catholicos æque remanent integræ Scripturæ , etiamsi ab Hæreticis aliter quam a Catholicis intelligantur ; ergo æque remanent integra Sacramenta , dummodo aliter ab Hæreticis non vitientur . Audiamus S. Augustinum lib. 3. contra Donatistas . *Si Marcion verbis Evangelicis in nomine Patris , & Filii , & Spiritus Sancti Baptismum consecrasset , integrum fuisset Sacramentum , quamvis ejus fides , sub eisdem verbis aliud opinantis , quam Catholica veritas doceat , non esset integra , sed fabulosis falsitatibus inquinata* . IV. Tandem Minister Sacramentorum , inquit S. Thomas 3. p. q. 64. ar. IX. instrumentaliter operatur , nec agit in virtute propria , sed in virtute Christi , sed fides est virtus propria Ministri , ergo ejus defectus nihil obest validitati Sacramentorum ; hinc si ve sit infidelis , sive hæreticus , qui Sacramenta ministrat , dummodo habeat intentionem faciendi quod facit Ecclesia , ceteris paribus , valide Sacramenta conficit .

S C H O L I O N .

Ex tot argumentis , quibus Horthodoxæ veritatis lumen obumbrare olim conati sunt Donatistæ , & alii post illos Hæretici , qui fidem absolute in Sacramentorum Ministro necessariam dixerunt , placet illa seligere , quæ ipsi tanquam Herculeos nodos Catholicis objiciebant . I. *Canones Apostolicis collatum , prout constat ex can. 45. & 46.* II. *Hieronymus in cap. 4. ep. ad Eph. hæc habet. Hæreticos non habere Baptismata , sed in una Christi Ecclesia fontem esse vitalem* . III. Ex Concilio VI. Trullano can. 95. habemus : *Venientes ad*